

## **Pilemongât ekap Paulonâ kulemgum pindip.**

*Sâm muyage den sot mâsop den.*

<sup>1</sup> Nâ Paulo Yesu Kristogât opnâ tâk namin ândian. Nâ sot bukuniñâ Timoteo, net Pilemon nep betnikñan memmat, gâgât ekap zi kulemgum giget. <sup>2</sup> Oi ambân bukunikñâ Apia sot kâwali anikñâ Arikipo sot Yesugât kâmut Pilemon gâgât mirin mindume, zengât ârândan pet.

<sup>3</sup> Ibâniñ Anutu sot Kembu Yesu Kristo, zekâren gâbâ tânzângożângoñ sot um lumbe zo zengâren zimbap.

*Paulo zâk Pilemongât op Anutu mâpâseip.*

<sup>4</sup> Nâ ninâu sâbam gâgât nângâm Anutugâren sâiwap sâman. <sup>5</sup> Gâ Kembu Yesu nângâm pâlâtân kwâkñangâm Kembugât sinji a zengâren umgâ kinmap. Oi zengât nângâm ândimat. Nâ zorat sinji nângâm Anutugâren sâiwap sâman. <sup>6</sup> Oi nângâm pâlâtânngâ nen sot kânok uap. Kut nâi nâi âlipñâ Kristogâren gâbâ muyagem gâip, zo nângâbangât ninâu sâman.

<sup>7</sup> Bukunâ, gâ Kembugât sinji a buku otziñgâm umâlep kwatziñgâmat, zorat umnâ âlip oi sâtâre patâ orâwan.

*Kore a Onesimo, zâkkât den.*

<sup>8</sup> Gâ a buku otziñgâmatkât itâ dâgobâ. Gâ kut nâi upangât Kristogât opnâ sâbâ sâm âlip sa

nângâm upan. <sup>9</sup> Ka buku orotņangât itâ dâgobâ. Nâ Paulo, a sombâ, Yesu Kristogât op tâk namin ândian. <sup>10</sup> Nâ katepnâ nâi Onesimo tâk namin ta ga muyagenigip, zâkkât dâgobâ. <sup>11</sup> Mârum zâk gâ sot ândim mân bekan mem ândeip. Narâk zoren ândiândiņâ mân dâp oip. Narâk ziren ko zâk Kembangât a opņâ gâgât sot nâgât ârândâņ ândei dâp uap.

<sup>12</sup> A zo sâņgongua gâgâren gaap. Zo nâgât kâmbiamnâ, zo sâņgongua gâgâren gaap. <sup>13</sup> Nâ sinji âlipkât op tâk namin ta zâkņâ gâ gebâkkan betnan mem ândibapkât sâwan. <sup>14</sup> Oi gâ mân nâņgâna nâ yatâ upatkât nâņga mân dâp oi mâburem gigan. Gâ gikak nâņgâm nibâ sâm niban.

<sup>15</sup> Zâk birâgigi gikik mâik nâi ândein, zo topņâ itâgât motņâi. Âburem ga gâ sot ândim zâibap. <sup>16</sup> Zâk kore ayâk buņâ. Yesu sot pâlâtâņ op buku otgibam gaap. Nâgâren yatâ op ândeip. Gâgâren ko walâmņâ otgibap. Zo itâgât sâkņandik gâgâren ândeip. Zi ko Kembangât a opņâ gâgât a bonņâ uap. <sup>17</sup> Gâ nâgât nâņgâne bugugâ oi ko zâk diina gâi nâņgâna Paulo upap. <sup>18</sup> Zâkņâ kut nâigâ gulipkoip? Gâgât tosa nâi zâkkâren ziap, zo nâgât sinji sâban. <sup>19</sup> Paulo ninak den zi kulemgum gigan. Perâkņak, Nâ hâuņâ melâņ gibat. Ninâ tosa gâgâren patik ziap, zorat waņgât sâbat? Gâ nâgâren a uņakņâ âsagein, zorat san. <sup>20</sup> Bukunâ, gâ Kembangât opņâ kut nâi zo bâbâlaņâk nibangât otnigap. Kristogât opņâ umâlep kwatniban.

*Den murukņâ.*

<sup>21</sup> Sât lulu a ândiat, zorat nângâm den zi kulemgum gigan. Oi itâ nângan. Den dâgogan, zo sot walâm târokwap tuuban.

<sup>22</sup> Zen nâgât op ninâu sâne Kembuñâ nângâmñâ sâi zengâren gâbatkât nângan. Zorat nâgât sinji kian kubikpan.

<sup>23</sup> A bukunâ Epapara, zâk Yesu Kristogât opñâ nâ sot tâk namin ândiap. Zâk zengât nângap.

<sup>24</sup> Oi nep betnan mimiñ a, Mareko sot Aristako sot Dema sot Luka, zen yatik gâgât nânge.

<sup>25</sup> Kembu Yesu Kristo, zâkkât tânzângoñgoñ, zorâñ umziñan zimbap.

Zo yatik.

**SINGI ÂLIP EKAP**  
**The New Testament in the Komba Language of Papua**  
**New Guinea**  
**Nupela Testamen long tokples Komba long Niugini**  
copyright © 1980 Wycliffe Bible Translators, Inc.

Language: Komba

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0. You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-01-06

---

PDF generated using Haiola and XeLaTeX on 21 Feb 2024 from source files dated 31 Aug 2023  
8e5b8dff-a54f-5e56-9b8c-1906f06b22d1